

# Wiehnachtstied ünner Reet

**ST. PETER-ORDING** Letzt Johr harr Hilke Herzberg ehr Idee „Wiehnachten ünner Reet“ to'n eersten Mol ümsett. Se is de Vörsittersch vun'n Vereen Kultur-Treff. De hett de Verantwortung för dat Museum Landschop Eiderstedt övernahmen. Ok dütmol harr se Ove Ketels ut Gaarn mit sien Akkordeon wedder to Hölp. Un he harr sienen Fründ Hans Wolff ut Kotzenbüll mitbröcht. De beiden sünd Liddmaaten vun Shantychor St. Peter-Ording or vun de Eideraanten ut Tönn. Af un an hölpt se sik bi dat Beschnacken un Maaken vun Musik. Hans Wolff harr ok richti Lust mitbröcht. Dat kunnst maarken.

Hilke Herzberg freute sik, wat doch recht so'n poor Lüüd to düsse Adventsstünn mit Geschichten und Leeder kamen weern. Dat weern man wedder so fievuntwinti Lüüd. Dat is jüst so'n gemütli Runn. Poor mehr harrn dat ween kunn. Ok Gäst ut Hannover weern dorbi. De harrn sik erinnert un nehmen dat wedder mit bi ehr Adventsweekenenn. De harrn so'n richti Programm. Se wull'n achteran na Garrn to'n Wiehnachtsmarkt und an Sünndagmeddag eerst to'n Arfensuppeneeten in't Gemeendehus un denn op de Trüchfohrt na Hoyerswort un in't Tönnner Packhus. Se sünd

richti geern op Eiderstedt.

Los güng dat mit „Wenn man een Lüchen in'e Oogen vun de Kinner süht, denn is Wienachten nich wied“ vun Knut Kiesewetter. Dat is man noch keen Johr her, wo düsse „plattdüütsche un freesche Jung“ storven is. He is 1945 ut Pommern na Garrn kaamen un ok in St. Peter to School gahn. Feine Leeder hett he för uns schreeven.

Denn lees Hilke Herzberg

Leed vun Kiesewetter. Dat hannelnd vun de Floot. De Blanke Hans kann je ok grääsig ween. De Wiehnachtsfloot 1717 to'n Bispill weer een heel groote Katastroph an uns Küst. Un twüschendörch geevt jümmers Geschichten or Riemels. Dat güng üm dat Steevelnputzen an Avend för den Nikolausdag, dat Mäkeln övern Wiehnachtsboom, wat de ni schön noog weer, den Hasen-



**Plattdüütsche Leeder** von Hans Wolff un Ove Ketels.

HJR

plattdüütsche Geschichten un dorna wurr wedder vörsungen. Dat kunnen Hans Wolff un Ove Ketels wunnerbar. Mol sünd de een alleen un de anner speel un denn sunge se tohoopen or wesselten sik af. Dat geev Leeder vun hier un vun de See, vun de Hillige Nacht in Haben un een Köllsche Leed ut'n Karneval, wat Hans Wolff in't Plattdüütsche överdragen harr. Hett bestens passt. Geev avers ok noch een ganz anner

markt in Gaarn un Iesloopen un Kokenbacken. Wiehnachtsduft weer ok in't Museum, geev je frisch backte Plätzchen.

An't Enn sunge altohoopen „O du fröhliche“. Vöörher hett dat ok al mol klappt mit „Dat du mien Leevsten büst“. Fröhlich gung man uteneen. Veel Applaus hebbt de Dree kreegen. Dat weer een schöne gemütliche Adventsstünn, so'n richti Instimmung op de tokamen Tied. *Hans Jörg Rickert*